

**5.2. 2011 թվականի հոկտեմբերի 12-21-ը
Հայաստանի Հանրապետությունում անցկացված
մարդահամարի նախնական արդյունքները**

2011թ. հոկտեմբերի 12-21-ը Հայաստանի Հանրապետությունում անցկացված հերթական մարդահամարի վիճակագրական մշակման աշխատանքների առաջին փուլն ավարտվել է: Աշխատանքների իրականացման գործառույթներին օժանդակել են ՀՀ 2011թ. մարդահամարի նախապատրաստման և անցկացման համապետական հանձնաժողովը՝ ՀՀ փոխվարչապետ, տարածքային կառավարման նախարար, պարոն Ա.Գևորգյանի նախագահությամբ, Հայ Առաքելական Եկեղեցին, դոնոր հանրությունն ի դեմս՝ Համաշխարհային Բանկի, ՄԱԿ-ի բնակչության հիմնադրամի, ՄԱԿ-ի փախստականների հարցերով գլխավոր հանձնակատարի գրասենյակի, ԱՄՆ-ի Միջազգային զարգացման գործակալության, Շվեյցարիայի Դաշնային կառավարության, Նորվեգիայի կառավարության, Իտալիայի կառավարության, Հնդկաստանի կառավարության, ինչպես նաև «Արմենտել», «Դ-Տելեկոմ» և «Օրանժ Արմենիա» բջջային օպերատորները:

Մարդահամարի դաշտային աշխատանքների ավարտից հետո իրականացված տվյալների ծածկագրման և մուտքագրման արդյունքում անհատական տվյալները միավորվել են մարդահամարի տվյալների վիճակագրական տեղեկատվական բազայում, և մարդահամարի տվյալների մշակման CՏPro ծրագրային փաթեթի (որը ԱՄՆ-ի հաշվառումների բյուրոյի աջակցությամբ կիրառվել է նաև 2001թ. մարդահամարի ժամանակ) միջոցով իրականացվել է տվյալների տեղեկատվական բազայի կառուցվածքային (սակայն, դեռևս ոչ տրամաբանական) հսկում: Կառուցվածքային հսկման ծրագրի կիրառումը ընթացակարգային գործընթաց է և նպատակաուղղված է ապահովելու տեղեկատվական բազայում, ՀՀ վարչատարածքային բաժանմամբ սահմանված, աշխարհագրական ծածկագրերին համապատասխան, հաշվային տեղամասերի ու դրանցում գրանցումների ամբողջականությունը, սկզբնական գրանցումների և մուտքագրման արդյունքում ձևավորված ցուցանիշների միջև տարբերությունների վերհանումն ու պարզաբանումը:

5. ՍՈՑԻԱԼ-ԺՈՂՈՎՐԴԱԳՐԱԿԱՆ ՀԱՏՎԱԾ

ՀՀ մարզերի և Երևան քաղաքի մշտական ու առկա բնակչության թվաքանակների ցուցանիշները
(հաշվառման պահի՝ 2001թ. հոկտեմբերի 9-ի լույս 10-ի կեսգիշերվա,
2011թ. հոկտեմբերի 11-ի լույս 12-ի կեսգիշերվա դրությամբ)

մարդ

| | Բնակչության թվաքանակ | | | |
|----------------------------------|----------------------|------------------|----------------------|------------------|
| | առկա ¹ | | մշտական ² | |
| | 2001թ. | 2011թ. | 2001թ. | 2011թ. |
| Հայաստանի Հանրապետություն | 3 002 594 | 2 871 771 | 3 213 011 | 3 018 854 |
| ք. Երևան | 1 091 235 | 1 054 698 | 1 103 488 | 1 060 138 |
| Արագածոտն | 126 278 | 125 539 | 138 301 | 132 925 |
| Արարատ | 252 665 | 246 880 | 272 016 | 260 367 |
| Արմավիր | 255 861 | 256 639 | 276 233 | 265 770 |
| Գեղարքունիք | 215 371 | 211 828 | 237 650 | 235 075 |
| Լոռի | 253 351 | 217 103 | 286 408 | 235 537 |
| Կոտայք | 241 337 | 245 324 | 272 469 | 254 397 |
| Շիրակ | 257 242 | 233 308 | 283 389 | 251 941 |
| Սյունիք | 134 061 | 119 873 | 152 684 | 141 771 |
| Վայոց ձոր | 53 230 | 47 659 | 55 997 | 52 324 |
| Տավուշ | 121 963 | 112 920 | 134 376 | 128 609 |

¹ Յուրաքանչյուր վարչական միավորի **առկա բնակչության** թվաքանակի ցուցանիշը ձևավորվել է դրանում մշտապես (սովորաբար) բնակվող ու հաշվառման պահին ներկա և *ժամանակավոր ներկա* հաշվառված անձանց ընդհանուր թվաքանակների հանրագումարից: Ժամանակավոր ներկա բնակչության թվաքանակի ցուցանիշում ներառվել են մարդահամարի հաշվառման պահի դրությամբ տվյալ համայնքում՝ քաղաք, գյուղ, տուն (շինություն) կամ ժամանակավոր կացատեղ հանդիսացող կազմակերպությունում, մեկ տարուց պակաս ժամկետով գտնվող անձանց թվաքանակի ցուցանիշները, որոնց մշտական բնակավայրը տվյալ համայնքի (այդ թվում՝ հանրապետության) սահմաններից դուրս է:

² Յուրաքանչյուր վարչական միավորի **մշտական բնակչության** թվաքանակի ցուցանիշը ձևավորվել է մարդահամարի ժամանակ տվյալ տարածքում մշտապես (սովորաբար) բնակվող ու հաշվառման պահին ներկա և *ժամանակավոր բացակա* հաշվառված անձանց ընդհանուր թվաքանակների հանրագումարից: Ժամանակավոր բացակա բնակչության թվաքանակի ցուցանիշում ներառվել են տվյալ համայնքում՝ քաղաք, գյուղ, տուն (շինություն), մշտապես (սովորաբար) բնակվող, սակայն մարդահամարի հաշվառման պահի դրությամբ, տվյալ քաղաքային կամ գյուղական համայնքի (այդ թվում՝ հանրապետության) սահմաններից դուրս՝ մեկ տարուց պակաս ժամկետով բացակայող անձանց թվաքանակի ցուցանիշները (տես՝ «2010թ. մարդահամարների և կացարանների հաշվառման Եվրոպայի վիճակագիրների կոնֆերանսի հանձնարարականներ» մշակված Եվրոստատի հետ համագործակցությամբ, ՄԱԿ-ի Եվրոպական տնտեսական հանձնաժողով, ՄԱԿ, Նյու Յորք և Շեն, 2006, գլուխ III «Հաշվառման ենթակա բնակչություն», կետ 167 «Ժամանակավոր բացակայողներ», էջ 56 (ռուսերեն տարբերակ), էջ 37 (անգլերեն տարբերակ)):

5. ՍՈՑԻԱԼ-ԺՈՂՈՎՐԴԱԳՐԱԿԱՆ ՀԱՏՎԱԾ

ՀՀ 2011թ. մարդահամարի նախնական տվյալների համաձայն, ՀՀ 2001թ. մարդահամարի համեմատությամբ, առկա բնակչության թվաքանակի ցուցանիշը՝ ըստ հաշվառման պահի, նվազել է 130 823 մարդով, իսկ մշտական բնակչությանը՝ 194 157 մարդով:

Ըստ ՀՀ 2011թ. մարդահամարի նախնական արդյունքների ՀՀ մշտական բնակչության 36.7 % կազմում է գյուղական բնակչությունը, իսկ 63.3 %՝ քաղաքայինը, ինչի գերակշիռ մասը (55.5 %) բաժին է ընկնում մայրաքաղաք Երևանին:

Քաղաքային են համարվում այն բնակավայրերը, որոնք «Հայաստանի Հանրապետության վարչատարածքային բաժանման մասին» Հայաստանի Հանրապետության օրենքով սահմանված են որպես քաղաքներ, մնացած բնակավայրերը, որոնք օրենքով սահմանված են որպես գյուղեր՝ համարվում են գյուղական:

ՀՀ մշտական բնակչության թվաքանակների քաղաքային և գյուղական բաշխվածությունն ըստ ՀՀ մարզերի և ք. Երևանի

մարդ

| | Բնակչության թվաքանակ | | | |
|----------------------------------|----------------------|------------------|------------------|------------------|
| | քաղաքային | | գյուղական | |
| | 2001թ. | 2011թ. | 2001թ. | 2011թ. |
| Հայաստանի Հանրապետություն | 2 066 153 | 1 911 287 | 1 146 858 | 1 107 567 |
| ք. Երևան | 1 103 488 | 1 060 138 | - | - |
| Արագածոտն | 32 864 | 30 595 | 105 437 | 102 330 |
| Արարատ | 79 885 | 74 103 | 192 131 | 186 264 |
| Արմավիր | 98 292 | 85 050 | 177 941 | 180 720 |
| Գեղարքունիք | 78 957 | 71 423 | 158 693 | 163 652 |
| Լոռի | 169 953 | 137 784 | 116 455 | 97 753 |
| Վոտայք | 153 981 | 137 481 | 118 488 | 116 916 |
| Շիրակ | 174 260 | 146 908 | 109 129 | 105 033 |
| Սյունիք | 104 147 | 95 170 | 48 537 | 46 601 |
| Վայոց ձոր | 19 605 | 18 449 | 36 392 | 33 875 |
| Տավուշ | 50 721 | 54 186 | 83 655 | 74 423 |

Քաղաքային բնակչության թվաքանակի ցուցանիշը՝ 2001թ. համեմատ նվազել է 154 866 մարդով կամ 7.5 %-ով, իսկ գյուղական բնակչությանը՝ 39 291-ով կամ 3.4 %-ով:

Հայաստանի Հանրապետության 2011 թվականի մարդահամարի վերջնական արդյունքների (այդ թվում՝ թվաքանակի, ինչպես նաև այլ բնութագրիչների) հրապարակումը նախատեսված է 2013 թվականին: